

Delegat u Domu naroda PFBiH
Elvedin Mušanović
Ul. Josipa bana Jelačića br. 138
71250 Kiseljak
e: elvedin.musanovic@parlamentfbih.gov.ba

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Dom naroda Parlamenta Federacije BiH
n/r predsjedavajući Doma naroda PFBiH

Priljena: 27-04-2020			
Org. jed.	Broj	Priloga	Vrijednost
02-02-		757	120

Sarajevo, 27.04.2020. godine

Predmet: Amandmani na Prijedlog zakona o ublažavanju negativnih ekonomskih posljedica

Na osnovu člana 190. Poslovnika o radu Doma naroda Parlamenta Federacije Bosne i Hercegovine podnosim:

Amandman I

U članu 2. tačka a) iza riječi „pravna lica, odnosno privredna društva“ dodati riječi „i javne ustanove koje se ne finansiraju iz budžeta ili vanbudžetskog fonda“.

O b r a z l o ž e n j e

Iz prvobitno predložene definicije poslovnih subjekata jasno je da prava po ovo zakonu ne bi mogli ostvariti subjekti iz javnog sektora, bez obzira na način njihovog finansiranja i činjenicu da je nekim od njih, odlukama nadležnih tijela, zabranjen rad u vrijeme trajanja stanja prirodne neregce. To su u prvom redu **banje i lječilišta** kojima je Naredbama broj 12-40-6-148-31/20 i 12-40-6-148-31/20 Federalnog štaba civilne zaštite zabranjen rad u vrijeme trajanja stanja prirodne nesreće. Značajan broj njih su **samofinansirajuće** ustanove, koje se ne finansiraju iz bilo kojeg budžeta, niti su uključene u sistem javnog zdravstva koji se finansira iz fonda zdravstvenog osiguranja. Iako po nazivu i načinu osnivanja javne ustanove, po načinu rada i sticanju prihoda isključivo na komercijalnoj osnovi suštinski pripadaju realnom sektoru. Njihovim izostavljanjem iz ovog Zakona bili bi dovedeni u neravnopravan položaj u odnosu na privatne ustanove ove vrste, iako posluju i finansiraju se na potpuno istim principima.


Amandman II

U članu 4. stav (7) riječi „sa februarom 2020. godine.“ zamijeniti riječima „sa decembrom 2019. godine.“

Obrazloženje

S obzirom da se pandemija korona virusa (COVID 19) pojavila već krajem 2019. godine, te je određen broj poslovnih subjekata **pretrpio posljedice i prije zvaničnog proglašenja stanja prirodne nesreće u Bosni i Hercegovini**, posebno oni koji posluju u djelatnostima koje u značajnoj mjeri zavise od stranih kupaca ili dobavljača, zahtjevom za izmirenjem svih poreznih obaveza i obaveza za doprinose zaključno sa februarom 2020. godine, bili bi izostavljeni iz primjene ovog Zakona, čak i ako imaju neizmiren samo dio navedenih obaveza.

S poštovanjem,

Delegat:

Elvedin Mušanović